



Concello de Vigo

D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 05 de agosto de 2021** adoptou o seguinte acordo:

18.- SUBVENCIÓN NOMINATIVA AO “CONSERVATORIO SUPERIOR DE MÚSICA DE VIGO”, PARA A ORGANIZACIÓN DO FESTIVAL DA MÚSICA E DAS ARTES NAS ONDAS 2021. EXPTE. 3939/330.

Visto o informe xurídico de data 22/07/2021 e o informe de fiscalización do 28/07/2021, dáse conta o informe-proposta de data 06/07/2021, asinado polo xefe do Servizo de Xestión e Promoción Cultural, polo concelleiro delegado de área e polo concelleiro delegado de Orzamentos e Facenda, que di o seguinte:

O día 24 de xuño do 2021, o Conservatorio Superior de Música de Vigo presenta escrito de solicitude de subvención para a organización do "Festival da Música e das Artes nas Ondas 2021"; por este motivo, con data 1 de xullo do 2021, o concelleiro-delegado da Área de Cultura resolveu que por parte desta xefatura se iniciase o expediente de subvención correspondente e asinar un convenio con esta entidade para regulala, polo importe de 4.000 € con cargo á aplicación orzamentaria 3340.480.00.12 do orzamento municipal vixente.

ANTECEDENTES.-

O Conservatorio Superior de Música de Vigo é un centro educativo dependente da Consellería de Cultura, Educación e Ordenación Universitaria da Xunta de Galicia, creado na nosa cidade no ano 1956, que ademais realiza actividades de tipo cultural abertas a toda a cidadanía, entre elas o programa **FESTIVAL DA MÚSICA E DAS ARTES “NAS ONDAS”**.

PROGRAMA E ORZAMENTO:



Copia do documento - Concello de Vigo	Data impresión: 16/05/2024 16:45	Páxina 1 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

DATA	EVENTO / PARTICIPANTES	CICLO	ESPAZO
MARZO			
Martes 2 18 h	Relatorio: As sonatas para viola da gamba e clave de J. S. Bach Alejando Casal	SEMANA DA MÚSICA ANTIGA	Auditorio Martín Códax
Mércores 3 17:30 h	Relatorio: Retórica musical Maria del Mar Blanco Moreno	SEMANA DA MÚSICA ANTIGA	Auditorio Martín Códax
Mércores 3 20 h	Sonatas para viola da gamba e clave de J. S. Bach Sara Ruiz (viola da gamba) Alejandro Casal (clave)	SEMANA DA MÚSICA ANTIGA	Auditorio Martín Códax
Xoves 4 20 h	Orquestra Barroca do CSMVigo	SEMANA DA MÚSICA ANTIGA	Auditorio Martín Códax
Venres 5 10 - 14 h	Seminario de Interpretación da Música Antiga para instrumentistas de corda Pavel Amilcar (violín barroco)	SEMANA DA MÚSICA ANTIGA	Auditorio Martín Códax
Martes 9 20 h	Un serán de música rusa: Rachmaninov, Prokofiev e Shostakovic Raúl Rodríguez / Adriana Iglesias	DE PIANO	Auditorio Martín Códax
Mércores 10 mañá	Clases maxistras - percusión Noè Rodrigo Gisbert	PercusiónFEST	
Mércores 10 20 h	Recital de percusión Noè Rodrigo Gisbert (percusión)	PercusiónFEST	Auditorio Martín Códax
Xoves 11 20 h	Unha peregrinaxe a través da literatura pianística Miguel Montes, Sara Mínguez, Tania Quintas, Adrián Martínez e Iria Ramos	DE PIANO	Auditorio Martín Códax
Venres 12 20 h	Concerto Compartido de Grupos de Percusión PercuCar (CPM Carballiño), CSMVigo, ATTACA (CPM A Coruña), MARATIECA.	PercusiónFEST	Auditorio Martín Códax
Martes 16 20 h	Recital de piano Javier Vázquez Grela	DE PIANO	Auditorio Martín Códax
Mércores 17 20 h	Recital de piano Alba Raña Barreiro	DE PIANO	Auditorio Martín Códax
Martes 23 20 h	Unha viaxe a través do Romanticismo Lara Quesada, Rosa Ana Cayetano, Óscar Paniagua, Marcos Martínez, Nicolás Alén, Andrés Montenegro, Pablo Rodríguez, Lucas López e Laura Formigo	DE PIANO	Auditorio Martín Códax
Mércores 24 20 h	Recital de piano Laura Cimarra / Antonio González Urís	DE PIANO	Auditorio Martín Códax
Xoves 25 20 h	Concertos de Bach para teclados María José Cid, Isabel Gil, Nicasio Gradaille e Pablo Rodríguez	DE PIANO	Auditorio Martín Códax
Venres 26 20 h	Unha ollada á infancia: J. S. Bach e Chick Corea Sara Mínguez, Marcos Martínez, Sara Lía Ochogavías, Nicasio Gradaille, Laura Formigo e Lucas López	DE PIANO	Auditorio Martín Códax



Copia do documento - Concello de Vigo	Data impresión: 16/05/2024 16:45	Páxina 2 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

ABRIL				
Xoves 8 20 h	Camiño francés Mario Peris (violín) Severino Ortiz (piano)	EXPLURART	Auditorio Códax	Martín
Martes 13 20 h	Dúo Nedobora & Rejas Grigory Nedobora (violín) Patricia Rejas (piano)	EXPLURART	Auditorio Códax	Martín
Xoves 15 20 h	Kunstlieder - Chansons und Volkslieder Beatriz Arenas Lago (soprano) Felix Justen (guitarra)	EXPLURART	Auditorio Códax	Martín
Venres 16 20 h	Bolboreta Ensamble Vexel	EXPLURART	Auditorio Códax	Martín
Luns 19 20 h	Xosé Miguélez (saxofón) e a Big Band do CSMVigo	SAXORNADAS	Auditorio Códax	Martín
Martes 20 20 h	Dúo Troya & Rodríguez Alejandro Troya (saxofón) Pablo Rodríguez (piano)	SAXORNADAS	Auditorio Códax	Martín
Mércores 21 20 h	Ensamble de saxofóns do CSMVigo Alejandro Troya (director)	SAXORNADAS	Auditorio Códax	Martín
Xoves 22 20 h	Tangos e músicas do mundo. Concerto de guitarra e ronroco Mariano Gil (guitarra e ronroco)	EXPLURART	Auditorio Códax	Martín
Martes 27 20 h	Dúo Valverde & Ortiz Esteban Valverde (clarinete) Severino Ortiz (piano)	EXPLURART	Auditorio Códax	Martín
Mércores 28 20 h	De naufragiis Manuel Morales (fauta) Rafael Yebra (saxofón) Adolfo Caride (trompeta) Mario Peris (violín)	EXPLURART	Auditorio Códax	Martín
Xoves 29 20 h	Quintetos de ventos con piano Ricardo Pazo (óboe) Roberto Noche (clarinete) Ainara González (trompa) Óscar Araújo (fagot) Patricia Rejas (piano)	EXPLURART	Auditorio Códax	Martín
MAIO				
Martes 4 18 h	Orquestra de corda do CSMV Juan Carlos Díaz, director	AGRUPACIÓNS CSMV	Auditorio Códax	Martín
Martes 4 20 h	Ensamble de metais do CSMV Juan Carlos Díaz, director	AGRUPACIÓNS CSMV	Auditorio Códax	Martín
Mércores 5 18 h	Ensamble de madeiras do CSMV Juan Carlos Díaz, director	AGRUPACIÓNS CSMV	Auditorio Códax	Martín
Mércores 5 20 h	Ensamble de clarinetes do CSMV Juan Carlos Díaz, director	AGRUPACIÓNS CSMV	Auditorio Códax	Martín



Xoves 6 19 h	Relatorio: Achegamento ao repertorio camerístico de Salvador Brotons Salvador Brotons	EXPLURART	Auditorio Códax	Martín
Xoves 6 20 h	Monográfico sobre Salvador Brotons Fernando Raña (fruta) Ricardo Pazo (óboe) Pablo Soto (percusión) Rasa Biveiniene Jakutyte (piano) Conxunto de corda CSMV	EXPLURART	Auditorio Códax	Martín
Venres 7 20 h	Messiaen: Quatuor pour la fin du temps Roberto Noche (clarinete) Mario Peris (violín) Carmen Tubio (cello) Severino Ortiz (piano)	EXPLURART	Auditorio Códax	Martín
Martes 11 20 h	Concerto de poesía musicada e canción galega Laura Formigo (narradora e piano) Patricia Blanco, Iciar Borges e Aida Cruz (sopranos) Lucas López (barítono) José Manuel Fernández e Carlos Enrique Pérez (piano)	LETRAS GALEGAS	Auditorio Códax	Martín
Xoves 13 20 h	Big Band do CSMVigo: arranxos do folclore galego Alejandro Troya (director)	LETRAS GALEGAS	Auditorio Códax	Martín
Venres 14 20 h	Juan Durán: obra para saxofón e piano Juan Durán (presentación) Dúo Brillance: Marcos Mariño (saxofón) Gabriel López (piano)	LETRAS GALEGAS	Auditorio Códax	Martín
XUÑO				
Martes 1 20 h	Concerto de Premiados no VI Concurso de Música de Cámara do CSMVigo	ABRENTE	Auditorio Praza do Rei	de



Copia do documento - Concello de Vigo	Data impresión: 16/05/2024 16:45	Páxina 4 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

A memoria económica que se achega a esta proposta, incorpora o orzamento xeral de gastos e ingresos do programa polo importe total de 14.000 € (catorce mil euros) financiándose coas seguintes achegas:

- Concello de Vigo: 4.000 euros
- Consellería de Cultura: 10.000 euros

DOCUMENTACIÓN.-

Por parte da asociación, presentouse a documentación relativa ao expediente de subvención, que está integrada pola seguinte:

- Solicitud e autorización á consulta dos datos tributarios
- Memoria e orzamento da actividade
- NIF da representante legal
- CIF da entidade
- Estatutos da entidade e capacidade do representante legal
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Seguro de responsabilidade civil e recibo do pagamento correspondente

LEXISLACIÓN APLICABLE.-

A concesión da subvención que outorgue o Concello de Vigo ao Conservatorio Superior de Música de Vigo, para a organización do "Festival da Música e das Artes Vigo nas Ondas 2021", obxecto do presente convenio, rexirase pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

A concesión da subvención directa á entidade "Conservatorio Superior de Música de Vigo" deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2021, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade coa actividade cultural organizada polo Concello e marcada diferenza coa oferta doutras entidades, polo cal non procede promover a concorrencia para o seu outorgamento.



Copia do documento - Concello de Vigo	Data impresión: 16/05/2024 16:45	Páxina 5 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

ÓRGANO DE RESOLUCIÓN E ÁMBITO DE COMPETENCIAS .-

O órgano de goberno para a concesión desta subvención directa é a Xunta de Goberno Local.

O obxecto do expediente corresponde as materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

FINANCIAMENTO DA SUBVENCIÓN.-

A subvención do Concello de Vigo á entidade "Conservatorio Superior de Música de Vigo" ten como obxecto financiar a organización do "**FESTIVAL DA MÚSICA E DAS ARTES NAS ONDAS 2021**" figurando na aplicación **3340.480.00.12** do orzamento municipal vixente a concesión dunha subvención nominativa por importe de 4.000 €, a favor da entidade.

A subvención do Concello de Vigo á entidade " Conservatorio Superior de Música de Vigo" é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

CONDICIÓNS DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan na proposta.

Coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, tralos informes xurídico e da Intervención Xeral do Concello de Vigo, faise a seguinte

PROPOSTA Á XUNTA DE GOBERNO LOCAL.-

"PRIMEIRO.- Aprobar a concesión directa da subvención de 4.000 euros (catro mil euros) ao Conservatorio Superior de Música de Vigo , CIF. Q-8650014G, para o financiamento do Festival da Música e das Artes Nas Ondas 2021, organizado por esta entidade; e autorizar e dispoñer o devandito gasto con cargo á aplicación orzamentaria 3340.480.00.12 "SUBVENCIÓN CMUS", que figura no orzamento municipal vixente do Concello de Vigo.

SEGUNDO.- As condicións que rexirán a subvención serán as seguintes:

OBRIGAS DA ENTIDADE

- E de responsabilidade da Entidade :
- A organización das actividades a través dun equipo de profesionais dirixidos e/ou supervisados pola ENTIDADE,
- A organización integral do programa, a súa ampla difusión e a dispoñibilidade dos espazos, e solicitude, de ser o caso, dos permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
- Cumprimento do programa obxecto da subvención e o abono dos gastos relativos á organización da actividade, tanto directos como indirectos (contratacións, produción, dereitos de autor derivados da programación, material de difusión, aluguer e uso de espazos de ser o caso, e demais infraestruturas necesarias para o desenvolvemento efectivo da actividade).



Copia do documento - Concello de Vigo	Data impresión: 16/05/2024 16:45	Páxina 6 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



–Cumprimento das medidas sanitarias adoptadas polas autoridades sanitarias en cada momento por mor da COVID-19.

–Actuará como interlocutor único ante a CONCELEIRÍA D. Esteban Valverde Corrales, presidente da entidade

–Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.

–Ter incorporado os anagramas-logotipos do Concello de Vigo nos elementos de difusión da actividade subvencionada

–Comunicar á CONCELEIRÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en en todo caso, con anterioridade á xustificación da aplicación dada aos fondos percibidos; co obxecto de determinar a oportunidade da autorización da modificación ou substitución por outros programas, ou ben proceder á redución do importe da subvención concedida ou reintegro.

A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).

–A concesión da subvención á ENTIDADE implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.

–Responsabilizarse fronte a calquera dano que se cause a terceiros con ocasión do desenvolvemento do programa e a ditos efectos ter contratado e dispoñer dunha póliza de seguro de responsabilidade civil que atenda calquera accidente ou incidencia que se puido producir en relación ao desenvolvemento do evento. Neste sentido, A ENTIDADE presenta copia da póliza e do recibo do pagamento do seguro de responsabilidade civil.

OBRIGAS DO CONCELLO. MECANISMOS DE ASISTENCIA TÉCNICA

A tramitación da subvención e xestión do pagamento do importe da subvención (4.000 €), tras o cumprimento dos requisitos de xustificación e conformidades necesarias.

MECANISMOS DE SEGUIMENTO DA SUBVENCIÓN. UNIDADE XESTORA

O centro xestor da subvención á ENTIDADE é a Área de Cultura do Concello de Vigo, a través do Xefe do servizo de Xestión e Promoción Cultural, a quen comunicará calquera incidencia do proxecto subvencionado.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

PAGAMENTO DA SUBVENCIÓN



Copia do documento - Concello de Vigo	Data impresión: 16/05/2024 16:45	Páxina 7 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

O CONCELLO xestionará o pagamento á ENTIDADE polo importe da subvención outorgada ou resultante, trala entrega do informe final coa rendición da conta xustificativa; previa aprobación da achega pola Xunta de Goberno Local, emisión dos informes técnicos, e co conforme do concelleiro-delegado da Área de Cultura.

A xustificación deberá facerse con documentos orixinais pola parte subvencionada e con copias das facturas polo resto do orzamento. Poderase substituír a presentación de copias de facturas polo gasto do proxecto ou actividade non subvencionada pola presentación dun balance que abrangue a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo final foi de XX.XXX euros.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A ENTIDADE está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.

Documentación a incluír na conta xustificativa:

- Solicitud de pagamento da subvención, tendo como límite o 11 de novembro de 2021.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
 1. Programa con información sobre organización, patrocinio, colaboradores, venda de entradas, etc.
 2. Datos sobre os participantes nas actividades, número e perfil dos asistentes.
 3. Memoria de prensa.
 4. Relación de material gráfico e de difusión contendo os logotipos do Concello de Vigo.
 5. Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.



Copia do documento - Concello de Vigo	Data impresión: 16/05/2024 16:45	Páxina 8 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- As facturas ordenadas segundo o concepto de gasto a que se atribúen e nas que figure a ENTIDADE como entidade destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo que se regula o deber de expedir e entregar facturas que incumbe a empresarios e profesionais.
- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola entidade beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade.

Cando a entidade beneficiaria demande a devolución do orixinal presentado para a xustificación da subvención, solicitará a través da unidade xestora da tramitación administrativa do expediente o estampillado (art.73 do regulamento da Lei 38/2003 LXS) da factura orixinal indicando no mesmo o motivo da subvención, así como se o importe do xustificante se imputa total ou parcialmente á subvención recibida, indicándose neste caso o importe exacto que resulte afectado pola subvención. Posteriormente incorporarase ao expediente copia do xustificante orixinal estampillado e a unidade administrativa procederá á devolución do orixinal.

Gastos subvencionables:

Consideraranse gastos subvencionables, os realizados no ano 2021 que respondan directa e indubidablemente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da entidade, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Non se contempla a posibilidade de subcontratación dos gastos derivados da execución do programa subvencionado.

Importe total de subvencións ou axudas:

A subvención do Concello á ENTIDADE é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola ENTIDADE para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionados (art.17.3 da Lei 9/2007 de subvencións de Galicia).

XUSTIFICACIÓN DA SUBVENCIÓN

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura. Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumprida ou defectuosamente cumprida a actividade subvencionada.



Copia do documento - Concello de Vigo	Data impresión: 16/05/2024 16:45	Páxina 9 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

INFORMACIÓN E PUBLICIDADE

A beneficiaria deberá facilitar toda a información que lle sexa requirida pola CONCELEIRÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

O CONCELLO publicará a concesión da subvención no portal de transparencia do Concello e comunicarllo á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1.c) da Lei 19/2013 de Transparencia, Acceso á Información Pública e Bo Goberno.

REINTEGRO

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

INFRACCIÓNS E SANCIÓN

En canto ás infraccións e sancións en que poida incurrir a beneficiaria da subvención e o procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

De conformidade co artigo 32.2 do Regulamento da Lei Xeral de Subvencións a achega municipal configúrase como un importe certo, entendendo que queda por conta do beneficiario a diferenza de financiamento necesario para a total execución da actividade subvencionada, debendo ser reintegrado en tal cas

PROTECCIÓN DE DATOS DE CARÁCTER PERSOAL

A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas e na Lei Orgánica 3/2018, do 13 de decembro, de Protección de Datos Persoais e garantía dos dereitos dixitais, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.

LEXISLACIÓN APLICABLE

A concesión da subvención rexerese pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.



Copia do documento - Concello de Vigo	Data impresión: 16/05/2024 16:45	Páxina 10 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

Acordo:

A Xunta de Goberno Local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/rs

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 16/05/2024 16:45	Páxina 11 de 11
SUBVENCIONS	CSV: A3A945-E54HE2-A8D927-CY2AN8-G3H829-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		